



## KENYATAAN / SIARAN AKHBAR

Untuk maklumat lanjut sila hubungi:  
**Bahagian Komunikasi Korporat**  
**Perbadanan Putrajaya**  
**Tel: 03-8887 7033 Faks: 03-8881 1008**

### 1,000 PENGUNJUNG SERTA CAR FREE DAY PUTRAJAYA 2020

**PUTRAJAYA, 1 MAC 2020** – Hampir 1,000 peserta memeriahkan acara Putrajaya Car Free Day anjuran Perbadanan Putrajaya (PPj) bermula jam 7.00 pagi hingga 12.00 tengah hari di Dataran Putrajaya, Presint 3.

Majlis turut menyaksikan acara pelepasan peserta kayuhan santai oleh Ketua Setiausaha Negara, YBhg. Datuk Seri Mohd Zuki Bin Ali. Turut hadir Presiden PPj, YBhg. Datuk Dr. Aminuddin Bin Hassim dan Timbalan Ketua Setiausaha Kementerian Wilayah Persekutuan (KWP), YBhg. Wan Ahmad Uzair Bin Wan Sulaiman.

Tujuan utama penganjuran Car Free Day ini adalah bagi mengurangkan kadar pelepasan karbon dari asap kenderaan di bandar raya Putrajaya dan menggalakkan aktiviti riadah di kalangan warga Putrajaya. Ia juga berperanan sebagai medium terbaik untuk menyemarakkan lagi elemen keceriaan serta kemeriahan di kawasan Persiaran Perdana, Presint 2, 3 & 4.

Acara Car Free Day telah dilaksanakan sejak tahun 2018 dan masih mengekalkan tagline "Burn Fat, Not Oil". Car Free Day akan diadakan 4 kali setahun pada hari Ahad, minggu pertama.

Sebanyak tujuh (7) aktiviti merangkumi pelbagai lapisan umur telah dijadualkan bagi memeriahkan program pada kali ini antara kayuhan santai sejauh 12 km di sekitar Putrajaya, Junior Explore Race, Putrajaya Push Bike Challenge, Putrajaya Road Safety Education Program, Zumba serta Demonstrasi Memanah Tradisional. Di samping itu, PPj juga turut memperkenalkan program baharu seperti Betta Street Market 3.0 yang diadakan khas kepada penggemar ikan laga dan sukan baharu *woodball* yang akan berlangsung di Dataran Putrajaya.

CFD Putrajaya 2020 melibatkan penutupan Persiaran Perdana sepanjang 2 kilometer yang akan bermula dari persimpangan Menara Usahawan Presint 2 sehingga Menara Kementerian Belia dan Sukan, Presint 3.

Untuk keterangan lanjut, sila hubungi En. Mohd Fairus Bin Mohd Padzil di talian 03-8887 7347, 019-335 4346 atau e-mel ke alamat [m.fairus@ppj.gov.my](mailto:m.fairus@ppj.gov.my).

**(TENGGU AINA BINTI YTM TENGGU ISMAIL SHAH)**

**Pengarah Komunikasi Korporat**

b.p. Presiden

Perbadanan Putrajaya

Tarikh: 28 Februari 2020